

2025-imi aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip pingajussaaneerqarneranut

ILASSUTITUT ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik ilaasortarai:

Inatsisartunut ilaasortaq Peter Olsen, Inuit Ataqatigiit, siulittaasoq

Inatsisartunut ilaasortaq Pele Broberg, Naleraq, siulittaasup tullia

Inatsisartunut ilaasortaq Mariane Paviassen Jensen, Inuit Ataqatigiit

Inatsisartunut ilaasortaq Krisitian Jeremiassen, Inuit Ataqatigiit

Inatsisartunut ilaasortaq Kuno Fencker, Siumut

Inatsisartunut ilaasortaq Karl Tobiassen, Siumut

Inatsisartunut ilaasortaq Jens-Frederik Nielsen, Demokraatit

Ulloq 11. november 2024-mi aappassaaneerinninnerup kingorna ataatsimiititaliap siunnersuut misissorpaa.

Imarisai:

1. Aallaqqaasiut	3
1.1 Siunnersuutip aappassaaneerneqarnera	3
2. Pingajussaaneerinnissamut allannguutissatut siunnersuutit	5
2.1 Allannguutissatut siunnersuutit ataatsimut sunniutaat	5
3. Aningaasaqarnermut Akileraartarnermullu Ataatsimiititaliap oqaaseqaatai sammisanut agguataarlugit	6
3.1 Pingajussaaneerinnissamut aningaasaliissutinut allannguutissatut siunnersuutit.....	6
3.1.1. Sammisag 6: Teknikikkut allannguutit, pingajussaaneerinninneq	7
3.1.2. Sammisag 7: Missingersuutinut sunnuteqanngitsumik allannguutit, pingajussaaneerinninneq.....	7
3.1.3. Sammisag 8: Suliassa qarfiit allanngorneri	8
3.1.4 Sammisag 9: Aningaasartuutit annikillineri, pingajussaaneerinninneq.....	8
3.1.5 Sammisag 10: Aningaasartuutaanerusut, pingajussaaneerinninneq	9
3.1.6. Sammisag 11: Isertitassatut missingiutit nutaat aamma aningaasartuutinut inatsisitigut pisussaaffigisanut missingiutit.....	9
3.1.7. Sammisag 12: Aningaasanut inatsit pillugu isumaqatigiissut.	11
3.2 Oqaasertaliussanut allannguutissatut siunnersuut	12
4. Aningaasaqarnermut Ataatsimiititaliap inassuteqaatai.....	14

Ilanngussanut takussutissiaq:

- E Siunnersuutip pingajussaaneerneqarnissaanut Naalakkersuisut aningaasaliissutinut allannguutissatut siunnersuutaat 20. november 2024-meersut. (Allannguutissatut siunnersuutit nr. 79-150).
- F Siunnersuutip pingajussaaneerneqarnissaanut Naalakkersuisut oqaasertaliussanut allannguutissatut siunnersuutaat 20. november 2024-meersut. (Allannguutissatut siunnersuutit nr. 151-164).
- G 2025-mut aningaasanut inatsisissatut siunnersuut pillugu isumaqatigiissut.
- H Nuummi Ilinniartut ineqarfiinik nalinginnaasunik immikkoortut aappaannik sananerup inuiaqatigiinni aningaasaqarnikkut kingunerisinnaasaanik naliliineq.

1. Aallaqqaasiut

Aningaasanut inatsisissatut siunnersuut 11. november aappassaaneernejarnermi kingorna pingajussaaneerinninnissaq sioqqullugu Aningaasaqarnermut Akileraartarnermullu Ataatsimiititaliamut sulineqaqqittussanngorlugu innersuunneqaqqippoq. Naalakkersuisut allannguutissatut siunnersuutaat 86-it ulloq 20. november 2024-mi ataatsimiititaliamit tiguneqarput.

1.1 Siunnersuutip aappassaaneernejarnera

Siunnersuutip aappassaaneernejarnerissaanut Naalakkersuisut allannguutissatut siunnersuutini 78-inik saqqummiussipput. Taakkunannga 61-it aningaasaliissutitut allannguutissatut siunnersuutaapput 17-nillu oqaasertaliussanut allannguutissatut siunnersuutaallutik. Allannguutissatut siunnersuutit tamarmiusut amerlanerussuteqartut aalajangiinerisigut Inatsisartunit akuerineqarput.

Aappassaaneerinninnissamut allannguutissatut siunnersuutit immikkut isigalugu 2025-mi IS-ip inernerata 73,7 mio. kr.-inik sinneqartoorfiuneranik kinguneqassapput. Piffissami 2025-2028-mi aningaasanut inatsiseqarfiusumi tamarmi IST-p inernerata katillugit 462 mio. kr.-inik sinneqartoorfiunissaa kiisalu IS-ip inernerata katillugit 422 mio. kr.-inik sinneqartoorfiunissaa missingersuutigineqarpoq. Pingajussaaneerinninneq tikiqqarpat sinneqartoorutit ikinnerulersimassasut naatsorsuutigineqartoq Naalakkersuisunit erseqqissaatigineqarpoq.

Oqaatigineqassaaq aningaasanut inatsimmi aningaasartuutit amerleriarnissaannut inatsisitigut killigitat nassatarimassuk sinneqartoorutit siuliani taaneqartut aningaasanut inatsimmi aningaasartuutit amerleriartinneqarnissaannut atorneqarsinnaannginnerat. Aningaasanummi inatsimmi aningaasartuutit amerleriarnissaannut inatsisitigut killigitat nunatta karsiata aningaasaataanut tigoriaannarnut, 1. maj 2024-mi 1,3 mia. kr.-iusutut aningaasanut inatsisissatut siunnersuutikkut paasissutissiissutigineqartunut, sunniuteqanngillat. Taamaapportaaq aappassaaneerinninnerup kingorna piffissamut aningaasanut inatsiseqarfiusumut tamarmut IS-imi 422 mio. kr.-inik sinneqartooruteqarnissamik missingersuuteqarneq aamma eqqarsaatigalugu.

Tamanna pillugu Aningaasaqarnermut Siunnersuisoqatigiit 2024-mut ukiup affaanut kingullermut nalunaarutiminni ima allapput:

”Sinneqartoorutit pitsaasumik aningaasaqarnikkut ineriartornermut attassisinnaanermillu ajornartorsiutinik aaqqinneqanngitsunut ataqatigiissillugu qiviaraanni, taakku aningaasaqarnikkut politikimi atugassatut paasineqarsinnaanngillat”

Ataatsimiititaliap siunnersuutip aappassaaneernejarneranut isumaliutissiissutaani allassimasutut kommunit ukiumoortumik missingersuutaanni ingerlatsinermut, tapiissutitut sanaartornermullu ataatsimoortumik aningaasaliissutit tamarmiusut ukiumi ataatsimi annerpaamik 1,00 pct.-imik qaffariarsinnaapput ukiunillu sisamani annerpaamik 2,00 pct.-imik qaffariarsinnaallutik.

Aningaasanut inatsisissatut siunnersuut una aqqutigalugu piffissami aningaasanut inatsiseqarfiusumi 5,1 mio. kr.-it atugassiissutigineqarsinnaassasut Naalakkersuisunit paasissutissiissutigine-

qarpoq. Taakku aningaasanut inatsit pillugu partiinut isumaqatigiinniarnerni tunngaviussapput. Kiisalu taamaattumik Naalakkersuisunit paasissutissiissutigineqarpoq aningaasartuutissanut nutaanut siunnersuutit assinganik sipaaruteqarnissamik malitseqartinneqartarnissaat naatsorsuutigineqarluinnartoq.

Naalakkersuisut aappassaaneerinninnissamut allannguutissatut siunnersuutaasa aningaasat 2025-mi aningaasanut inatsiseqarfiusumi atorneqarsinnaasut 24,8 mio. kr.-inik ajorseriartippaat aammalu aningaasanut inatsiseqarfiusumi tamarmi 89,3 mio. kr.-inik ajorseriartillugu. Tamatuma nassataraa aningaasanut inatsiseqarfimmi 2025-mi atorneqarsinnaasut -22,5 mio. kr.-inut aammalu piffissamut aningaasanut inatsiseqarfiusumut tamarmut -84,3 mio. kr.-inut ikileriarnerat. Taamaalillunilu pissutsit taamaannerat iluarsiiiffigineqanngippat attanneqarsinnaanngilaq.

Taamaalillunilu ilaatigut aningaasanut inatsit pillugu isumaqatigiinniarnernut atugassatut ilaatigullu aappassaaneerinninnissamut pingajussaaneerinninnissamullu atugassatut Naalakkersuisut allannguutissatut siunnersuutit namminneq saqqummiussa atungavigalugit aningaasaqarnikkut atugassiissutit amerlaneqarnissaat Naalakkersuisunit kissaatigineqarsimavoq. Suliniummut nr. 52123-mut, Nuummi Ilinniartunut Inissianik Nalinginnaasunik sanaartornerup tulleriaarnerata aappaanut, aningaasartuutit AI 2025-mi missingersuutit inissisimanerannik naatsorsuinermit ilanngunneqannginnissaannik inassuteqaammik nassiussinikkut Naalakkersuisut kissaataat piviusunngortinneqarpoq.

Inassuteqaat taanna ataatsimiititaliamut pingasunngornermi ulloq 13. november 2024-mi ataatsimiititaliamut nassiunneqarpoq Aningaasaqarnermullu Ataatsimiititaliamit amerlanerussuteqartunit Inuit Ataqatigiinneersunit Siumumeersunillu ulloq 14. november 2024-mi akuerineqarluni. Matumani oqaatigineqassaaq suliniut siuliani taaneqartoq, ataatsimiititaliap suliaatut 01.31.06/24-01095-itut normoqartoq, 181,2 mio. kr.-inik aningaasartuuteqarnermik naleqarmat. Suliap akuerineqarnerata pissusissamisoortumik kinguneranik missingersuutit inissisimanerat aningaasat taakku amerlaqataannik qaffappoq.

Naalakkersuisoqarfiup suliamik naliliinera malillugu KPMG-mik tunngavissaatinneqartut aallavigalugit aningaasaliinerup imminut akilersinnaasutut isigineqarsinnaavoq, tassungalu ilanngullugu sanaartugassamut aningaasartuutit missingersuutit inissisimanerannit peerneqarsinnaanera tunngaviusumik ajornaquteqanngitsoq. Naalakkersuisoqarfimmi oqaatigineqarpoq tunngavissaatinneqartut atorneqartut nalorninaroqarnerisa kingunerisaanik suliniutip naggataatigut imminut akilersinnaannginnissaa aarlerinarsinnaasoq.

Naalakkersuisoqarfiulli ataatsimut isigalugu kaammattuutigaa missingersuutit inissisimanissaannik eqqortitsinissaq siullertut pingaarnertullu nalinginnaasumik pissasoq nalinginnaasumik pisaaruteqarnikkut aningaasartuutissanik ikililerinikkut.

Tamanna pillugu Aningaasaqarnermut Siunnersuisoqatigiit 2024-mut ukiup affaanut kingullermut nalunaarutiminni ima allapput:

”Missingersuutit pillugit inatsimmi aningaasartuutit ineriartornerannut sinaakkut annertunerpaaffiuvoq, aningaasartuutillu ineriartornerannut anguniagaanani. Maanna ingerlatat qaffasinneranni suliffissarsiortullu ikinneranni pisortat aningaasartuutaasa qaffasinnerat suliffeqarnermi atorfinitsitsiniarnermi ajornartorsiutinik annertusaasuvoq. Aningaasartuutitut ukiunut sisamanut sinaakkutit tamakkiisumik atorluarneqarpata, aningaasarsiornerup killup tungaanut saannerani passussinissamik iliuusaasinnaasut aamma annikinnerulersinneqasapput. Aningaasarsiornerup inissisimanagera taamaalilluni missingersuutit pillugit inatsimmi annertunerpaaffissamut nikinganerumik aningaasartuutit ineriartornerannik pilersaarusiornissamut, taamaalillunilu annertunerumik sinneqartoornissamut pilerinarnerulersitsivoq”

Pissutsit kingullit taakku Naalakkersuisut namminnek eqqumaffigigaat ataatsimiititaliaq nalilivoq. Siunnersuutip aappassaaneernejarnissanut akissuteqaammuni Aningaasaqarnermut Akileraartarnermullu Naalakkersuisoq assersuutigalugu ima allappoq:

”Tassungali atatillugu aningaasartuutitut nutaanut aningaasat atugassat aningaasanullu inatsimmi sinneqartoortussat missingersuutigineqartup assigiinngissutaa erseqqissaatigissallugu pingaaruteqarpoq. Aningaasanik atugassatut inatsisitigut aalajangersagaq maanna ukiuni sisamani minus 84 mio. kr.-nut naatsorsorneqarpoq. Aningaasartuutit ineriartornerat atugassat taakku iluanni aalajangiusimanissaa pingaaruteqarpoq. Naak maannakkut inuiaqatigiinni aningaasartuutit qaffannissaat ussarnartorsiornaraluartoq, taamaattoq ukiuni makunani pissutsit pitsaasumik inissisimagallarnerat pisortat ingerlatsivianni aningaasartuutinik annertusaaqqinnissamut atorineqannginnissaa pingaaruteqarluinnartuuvuq. Siuliani taaneqartutut innuttaasut katitigaanerannik allannguutit annertuut pisussat malitsigisaannik, pisortat ingerlatsiviannik, piffissaq akunnattumut ungasissumullu isigalugu, aningaasalersuinissamut periarfissaqannginnerput, aningaasaqarnermik siumut naatsorsuinerup aamma takutippaa. Tamatuma saniatigut Kalaallit Nunaanni Aningaasaqarnermut Siunnersuisooqatigiit naapertorlugit aningaasaqarnerup siuariartornerata annikilliarturnera eqqummaariffigissallugu pingaaruteqarpoq.”

2. Pingajussaaneerinninnissamut allannguutissatut siunnersuutit

2.1 Allannguutissatut siunnersuutit ataatsimut sunniutaat

Inatsisartut aningaasanut inatsisissatut siunnersuummik aappassaaneerinninnerat tamatumalu peqatigisaanik Inatsisartut partiivinut isumaqatigiinniarnertit tunngavigalugit Naalakkersuisut allannguutissatut siunnersuutinik 86-inik ulloq 20. november 2024-mi saqqummiussipput. Taakkunanga 72-it aningaasaliissutinut allannguutissatut siunnersuutaapput, tak. ilanngussaq E, 14-llu oqaasertaliussanut allannguutissatut siunnersuutaallutik, tak. ilanngussaq F.

Naalakkersuisut allannguutissatut siunnersuutaat siunnersuutigineqartutut akuerineqassappata siunnersuummik aappassaaneerinninnerup pingajussaaneerinninnerullu kingorna AIS2025-mi inernerit takussutissiami matuma kinguliani takutinneqarput.

Aningaasat mio. kr.-inngorlugit	2025	2026	2027	2028	2025-2028
AIS2025-mi IST-ip inernera	-111,3	-191,7	-136,7	-197,1	-636,8
AIS2025-mi IS-ip inernera	-101,3	-181,7	-126,7	-187,1	-596,8
Aappassaanerinnissamut allannguutissatut siunnersuutit IST-mut sunniutaat	27,6	50,7	48,2	48,3	174,8
Pingajussaaneerinnissamut allannguutissatut siunnersuutit IS-mut sunniutaat	205,0	72,9	46,4	-5,6	318,7
Pingajussaaneerinnermi IST-ip inernera	121,3	-68,0	-42,1	-154,4	-143,3
Pingajussaaneerinnermi IS-ip inernera	131,3	-58,0	-32,1	-144,4	-103,3

Allannguutissatut siunnersuutit saqqummiunneqarnermittut akuerineqassappata, aappassaaneerinnissamut pingajussaaneerinninnissamullu allannguutissatut siunnersuutit malillugit AIS2024-mi IS-imi angusani sinneqartoorutit 131,3 mio. kr.-iussasut takussutissiami siulianiittumi takuneqarsinnaavoq. Piffissami 2025-2028-mi tamarmi IS-imi sinneqartoorutit tamarmiusut 103,3 mio. kr.-ussapput.

3. Aningaasaqarnermut Akileraartarnermullu Ataatsimiititaliap oqaaseqaatai sammisanut agguataarlugit

3.1 Pingajussaaneerinninnissamut aningaasaliissutinut allannguutissatut siunnersuutit

Siusinnerusukkut oqaatigineqareersutut Naalakkersuisut aningaasaliissutinut allannguutissatut siunnersuutinik 72-inik kiisalu oqaasertaliussanut allannguutissatut siunnersuutinik 14-nik saqqummiussipput. Taamaalillunilu pingajussaaneerinninnissamut katillugit allannguutissatut siunnersuutit 86-iupput. Naalakkersuisut allannguutissatut siunnersuutaanni takuneqarsinnaavoq aningaasaliissutinut allannguutissatut siunnersuutit sammisanut 7-inut agguataagaasut.

Pingajussaaneerinninnissamut aningaasaliissutinut allannguutissatut siunnersuutit sammisanut ukununga immikkoortinneqarsimapput:

- Sammisag 6: Teknikikkut allannguutit, pingajussaaneerinninneq
- Sammisag 7: Missingersuutinut sunniuteqanngitsumik allannguutit, pingajussaaneerinninneq
- Sammisag 8: Suliassa qarfiit allanngorneri
- Sammisag 9: Aningaasartuutit annikillineri, pingajussaaneerinninneq
- Sammisag 10: Aningaasartuutaanerusut, pingajussaaneerinninneq
- Sammisag 11: Isertitassatut missingiutit nutaat aamma aningaasartuutinut inatsisitigit pisussaaffigisanut missingiutit
- Sammisag 12: Aningaasanut inatsit pillugu isumaqatigiissut.

Sammissat ataasiakkaat imarisaat pingaarnerit matuma kinguliani naatsumik allaaserineqarput.

3.1.1. Sammisag 6: Teknikikkut allannguutit, pingajussaaneerinnineq

Qulequttami tassani allannguutissatut siunnersuutit 13-inik Naalakkersuisut saqqummiussipput, taakku 79-imit 91-imut normoqarput. Allannguutissatut siunnersuutit taakku ukiumi aningaasanut inatsiseqarfiusumi 2025-mi ukiunilu missingersuusiorfiusuni IS-imut sunniuteqassanngillat.

Sammisami pineqarput missingersuutit tapiliussanut oqaasertat ingerlatanullu takussutissiat il.il. nutarternerat. Tamassuma saniatigut oqaasertani nalunaarsuiffinnilu teknikikkut kukkunerit arlallit aaqqinneqarput Sammisap ataani allannguutissatut siunnersuutit aningaasaliissutit allanngortitsisunik saqqummiussisoqanngilaq.

Allannguutissatut siunnersuutit ataasiakkaanut Aningaasaqarnermut Ataatsimiititaliaq ilassutit oqaaseqaatissaqanngilaq.

Sammisag 6-ip ataani allannguutissatut siunnersuutit nr. 79-imit 91-imut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

3.1.2. Sammisag 7: Missingersuutit sunniuteqanngitsumik allannguutit, pingajussaaneerinnineq

Qulequttami tassani allannguutissatut siunnersuutit 21-nik Naalakkersuisut saqqummiussipput, taakku 92-imit 112-imut normoqarput. Allannguutissatut siunnersuutit taakku ukiumi aningaasanut inatsiseqarfiusumi 2025-imi ukiunilu missingersuusiorfiusuni IS-imut sunniuteqassanngillat.

Sammisami aningaasaliissutit nuussinertalittut missingersuutit sunniuteqanngitsumik allannguutissatut siunnersuutit saqqummiunneqarput.

Missingersuutit sunniuteqanngitsumik nuussinerit arlallit tungavigalugit allannguutissatut siunnersuut saqqummiunneqarpoq. Allannguutissatut siunnersuut ingammik NUNA-GIS-imik isumaginninnermik ineriartortitsinermillu aningaasartuutit konto pingarneq 20.01.01 Aningaasaqarnermut Akileraartarnermullu Naalakkersuisoqarfimmit kontomut pingarnermut 73.01.10 ASIAQ nuunneqassasut. Taakku saniatigut Inuussutissarsiornermut, Niuernerut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfiup suliassaqarfiani annikinnerusunik nuussinertaqarpoq. Peqqinnissaqarfimmilu qarasaasiakkut napparsimasunut allattaaviup (EPJ) aningaasaliissutit atuutsitsilernerit.

Allannguutissatut siunnersuutit ataasiakkaanut Aningaasaqarnermut Ataatsimiititaliaq ilassutit oqaaseqaatissaqanngilaq.

Sammisag 7-p ataani allannguutissatut siunnersuutit nr. 92-imit 112-imut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

3.1.3. Sammisag 8: Suliassaqarfiit allanngorneri

Qulequttami tassani allannguutissatut siunnersuutininik 8-nik Naalakkersuisut saqqummiussipput, taakku 113-imit 120-mut normoqarput. Allannguutissatut siunnersuutit taakku ukiumi aningaasanut inatsiseqarfiusumi 2025-imi ukiunilu missingersuusiorfiusuni IS-imut sunniuteqassanngillat.

Naalakkersuisoqarfinni allanngortitsinerit tunuliaqutaralugit missingersuutininut sunniuteqanngitsumik allannguutissatut siunnersuutit arlallit saqqummiunneqarput, tamatumani Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmit siunnersuisarnermik iliuuserisap Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfimmut nuunneqarnera pineqarpoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 8-p ataani allannguutissatut siunnersuutit nr. 113-imit 120-mut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

3.1.4 Sammisag 9: Aningaasartuutit annikillineri, pingajussaaneerinnineq

Qulequttami tassani allannguutissatut siunnersuutininik 2-nik Naalakkersuisut saqqummiussipput, taakku 121-imit 122-mut normoqarput. Taakku IS-ip inerneranut ukiumi aningaasanut inatsiseqarfiusumi 2025-mi 12,2 mio. kr.-inik, 2026-imi 37,7 mio. kr.-inik, 2027-mi 33,7 mio. kr.-inik kiisalu 2028-mi 32,7 mio. kr.-inik pitsanngoriaataassapput.

Pilersaarutaaqqaartumit piffissami kingusinnerusumi saqqummiussineq patsisigalugu, UKA2024-mi inatsisissatut siunnersuutit arlallit inaarutaasumik oqaluuserineqassannginnerisa kingunerisaattut manna allannguutit suliarineqarput. Maanna Naalakkersuisuusuni inatsisissatut siunnersuutit taakku inaarutaasumik suliarineqassanngillat. Taamaammat Naalakkersuisut nutaat namminneq pingaarnersiugai tunngavigalugit siunnersuutininik taakkuninnga ajornanngippat saqqummiusseqqittariaqassapput. Taamaammat taakkununnga AI2025-mut aningaasaliissutit immikkoortinnissaat naapertuutinnigilaq. Taamaalilluni inatsisissatut siunnersuutininut ukununnga agguassassat tamarmik peerneqarput:

- Utoqqarnut inatsit (taamaattorli tamaani inatsisissatut siunnersuummik piareersaanermut 2025-mi 1,5 mio. kr.-t tassaniiginnassapput)
- Innarluutilinnut inatsit
- Ilisimatusarnermut inatsit
- Meeqqanut tapiissutit

Aningaasat inatsisissatut siunnersuummut siuliani taaneqartumut immikkoortinneqarsimagaluartut, AIS25-mik isumaqatiginninniarnermut ilaatinneqarput taakkulu tamanna pillugu politikikkut isumaqatigiittoqarsinnaaneranik qulakkeerinneqataapput.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 9-p ataani allannguutissatut siunnersuutit nr. 121-mit 122-mut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

3.1.5 Sammissaq 10: Aningaasartuutaanerusut, pingajussaaneerinnineq

Qulequttami tassani allannguutissatut siunnersuutininik 5-inik Naalakkersuisut saqqummiussipput, taakku 123-mit 127-mut normoqarput. Taakku IS-ip inerneranut ukiumi aningaasanut inatsiseqarfiusumi 2025-mi 106,9 mio. kr.-inik aammalu 2026-imi 22,9 mio. kr.-inik kiisalu 2027-mi 2028-milu ukiumut 17,9 mio. kr.-inik ajorseriaataassapput.

Manna allannguutissatut siunnersuutit pingasut ilaasussat takkupput, makkununga tunngasut:

- Konto pingaarneq 73.04.08 Inoqarfinni mikinnerni nammineq pilersorneq. 2025-mi Neqi A/S-imut tunngatillugu kiffartuussinissamut isumaqtigiisummik nutaamik atsiornissamut aningaasaliissutit immikkoortinneqassapput. 2025-p ingerlanerani Neqimut piffissamut ungasissumut aaqqiissutissaq isummerfigineqassaaq.
- Atlantikoq qulaallugu timmisartut mittarfiini nutaani sipaarutit ilaannik peersineq. Tamatumani Qaqortumi aamma Ilulissani mittarfiit 2024-mi naammassinnginneri pissutaapput. Taamaammat 2026-mi siunissamilu sipaarutissat anguneqarsinnaassanngillat. Mittarfiit nutaat tunuliaqutaralugit annikigisassanngitsunik allaffissorinikkut sipaarniutininik sulit atugasannngortitsisoqarnissaasa Naalakkersuisunit naalakkersuisoqarfinilu eqqumaffigineqarnissaa pingaaruteqartorujussuovoq, maannakkulli aatsaat 2026-mit.
- Konto pingaarneq 24.01.01-imi 2025-mi 3,3 mio. kr.-t immikkoortinneqarput, 2026-milu 2,3 mio. kr.-t, aammalu akileraartarnermik suliaasaqarfimmi inatsisissatut siunnersuutip nutaap allaffissorfigilernissaata tungaanut. Pineqartut tassaapput unnuisarnermut akitsuut, aamma suliffissaqarnermi ilanngaait pillugit inatsisissatut siunnersuutit. Kingullertut taaneqartoq akileraartarnermik aaqqissuusseqinnermut attuumassuteqarpoq.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 10-p ataani allannguutissatut siunnersuutit nr. 123-mit 127-mut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

3.1.6. Sammissaq 11: Isertitassatut missingiutit nutaat aamma aningaasartuutininut inatsisitigut pisussaaffigisanut missingiutit

Qulequttami tassani allannguutissatut siunnersuutininik 12-inik Naalakkersuisut saqqummiussipput, taakku 128-mit 139-mut normoqarput. Taakku IS-ip inerneranut ukiumi aningaasanut

inatsiseqarfiusumi 2025-mi 92,7 mio. kr.-inik, 2026-imi 31,6 mio. kr.-inik, 2027-mi 19,1 mio. kr.-inik kiisalu 2028-mi 10,1 mio. kr.-inik ajorseriaataassapput.

Manna sammisami akileraarutinit aamma akitsuutinit ilaannut missiliuussinernik nutaanik tungaveqarluni, kiisalu aningaasaliissutissat inatsisitigut pisussaaffigisani annikinnerusumik allannguuteqarnerit tungavigalugit allannguutissatut siunnersuut saqqummiunneqarpoq.

- Manna akileraartarnermut aaqqissuusseqqinneq atuutsinneqalissaaq
- Kinguppannik pisassat ikileriarneri patsisigalugit isertitat allanngortinneqarnissaat siunnersuutigineqarpoq

Akileraartarnermik aaqqissuusseqqinneq:

Tamanna pillugu Aningaasaqarnermut Siunnersuisoqatigiit 2024-mut ukiup affaanut kingullermut nalunaarutiminni ima allapput:

”Sulinerup imminut akilersinnaanerunissaatigut, taamaalillunilu suliffeqartut amerlanerulernerisigut, aammali imminut pilersornerunikkut iluanaarutit annertusinissaat aaqqissuusseqqinnermi pingaarnertut siunertaavoq. Suliffeqarnermut ilanngaasuliffeqalernissamut pilernarnerulersitsivoq, tungaviusumilli ilanngaasuliffeqalernissamut pilernarnerulersitsivoq, tunngaviusumilli ilanngaasuliffeqalernissamut pilernarnerulersitsivoq, tunngaviusumilli ilanngaasuliffeqalernissamut pilernarnerulersitsivoq. Akileraartarnermik aaqqissuusseqqinneq 360 mio. kr.-nik aningaasartuuteqarnerunermik kinguneqarpoq, taakkunanngalu 50 mio. kr.-t missaat pisortat aningaasaqarneranni sinneqartoortunik atuinnikkut atorineqarput. Sinneqartoortut tamarmiuseq missingersuutit pillugit inatsimmi piumasasaammik naammassinnimmat, akileraartarnermik aaqqissuusseqqinneq tamakkiisumik aningaasalersorneqartutut oqaatigineqarsinnaavoq. Sinneqartoortumilli taamatut atuineq apeqqutunik arlalinnik puttallartitsivoq. Pisortat aningaasaqarnerata pitsaanera aningaasaqarnikkut pitsaasumik ineriartornermik, akileraarutinit akitsuutinillu naatsorsuutigineqanngitsumik isertitat qaffariarnerannik malitseqartumik patsiseqarpoq. Qaffariaatilli taakku atuukkallartuinnaaneranni ataavartumik akileraarutinit appaanermut aningaasalersuutaasinnaanngillat, taamaappallu aningaasaqarnermi politikikkut patajaassuseq akileraarutinit iluanaarutisiat appasinnerulersinneqarnerisigut ajoreriartinneqassaaq. Iluanaarutisiat qaffariaataat ataavarneruppata, iluanaarutaanerusut taakku attassinissamik ajornartorsiutip annikillisarneranut atorineqarnissaat naapertuutinnginneruneranik apeqqummik qaqilerivoq. Maannakkut pisumi akileraarutinit oqilisaaneq aamma ukiuni aggersuni annertunerusumik sinneqartoortnermi attassisinnaanermik ajornartorsiutit aaqqiivigineqanngitsut annertuut iliuuseqarfigineqalernerannik qulakkeerinninnermik oqariartortuunngillat”

Allannguutissatut siunnersuutinit ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisaaq 11-p ataani allannguutissatut siunnersuutit nr. 128-mit 139-mut **akuerineqassasut** ataatsimiititaliami amerlanerussuteqartunit Inuit Ataqtatigiinnit Siumumillu **inassutigineqarpoq**.

3.1.7. Sammisag 12: Aningaasanut inatsit pillugu isumaqatigiissut.

Qulequttami tassani allannguutissatut siunnersuutinik 11-nik Naalakkersuisut saqqummiussipput, taakku 140-mit 150-imut normoqarput. Taakku IS-ip inerneranut ukiumi aningaasanut inatsiseqarfiusumi 2025-mi 17,6 mio. kr.-inik, 2026-mi 56,1 mio. kr.-inik, 2027-mi 43,1 mio. kr.-inik kiisalu 2028-mi -0,9 mio. kr.-inik ajorseriaataassapput.

Sammisaq una ilanngussaq 3-mi aningaasanut inatsisissatut isumaqatigiissut, 18. november 2024-mi atsiorneqartoq tunngavigalugu allannguutissatut siunnersuutinik suliarineqartunik imaqarpoq. Sammisat sinnerini allannguutissatut siunnersuutit ataasiakkaat aamma isumaqatigiissummut attuumasuunerat sianigeqquneqarpoq, taakku pillugit siusinnerusumi nalunaarsukkat takukkit.

Aningaasanut inatsisissatut isumaqatigiissummi immikkoortuni tamani sipaarniarnertut taaneqartup ilanngunneqarnera, Naalakkersuisut tassunga atatillugu immikkut eqqumaffigissavaat. Naalakkersuisoqarfii tamarmik, Peqqussutsimut Naalakkersuisoqarfik, Aalisarnermut Naalakkersuisoqarfik kiisalu kommuninut ataatsimoortumik tapiissutit kisiisa pinnagit, ataatsimut 15 mio. kr.-nik annikillisaavigineqarnissaat tamatuma kinguneraa. Naalakkersuisoqarfinnut/ingerlatsivinnut kalluarneqartunut immikkoortuni tamani sipaarniarneq agguaqatigiissillugu 0,75 procentimik sipaarniarnermik naleqarpoq.

Taamatut sipaarniarneq tunngaviusumik aningaasanut inatsisip akuerineqarnissaa sioqqullugu, inatsimmi kontonut pingaarnernut tamanut ilanngunneqarsinnaasariaqarpoq, tamannali piffissaqarfigineqanngilaq. Taamaammat sipaarniut 2025-mut aningaasanut inatsimmut inaarutaasumut kontomi pingaarnermi 20.11.56 Missingersuutinik nalimmassaaneq isertitatut sillimmatit taaneqartukkat immikkoortinneqarpoq. Allatut oqaatigalugu 2025-p ingerlanerani ilassutitut aningaasaliissutissatut qinnuteqaateqartoqassaaq, tassanilu immikkoortut kalluarneqartut ataatsimut aningaasaliissutaat 15 mio. kr.-nik apparneqassapput. Periuseq taanna ajoraluartumik aningaasaliivigineqartut ataasiakkaat ukiumut aningaasaliivigineqarnerminnik *tamakkiisumik* atuinissartik siunertaralugu ilusilersuinissaannut annertuumik aarlerinaateqarpoq, kingornalu ukiup naajartornerani sipaarniutip atugassanngortinneqarnissaa ajornartoq paasinarsissalluni. Taamaalilluni Aningaasaqarnermut Akileraartarnermullu Naalakkersuisoq Kukkunersiuineranut Ataatsimiititaliamut sooq sipaarniutissatut Inatsisartut aalajangigaata atuutilersinneqarsinnaannginneranik missingersuutinik nassuiaanissamik kajuminnaatsumik suliassaqalissaaq. Taamaammat sipaarniut taamaattoq *ukiup aallartinnerani sapinngisamik siusinnerpaamik* ilassutitut aningaasaliivigineqarnissamik qinnuteqaatikkut atulersinneqartariaqassaaq. Taamatut periuseqarnissaq tunngavissiap uuma tusarniutigineqarnerani Peqqissutsimut Naalakkersuisoqarfimmit kaammattuutigineqarpoq.

Peqatigisaanik qinersinissamik nalunaaruteqarnermit Naalakkersuisut nutaat inissitsiternissaannut piffissami immikkoortuni tamani sipaarniutit atugassanngortinneqarnerat pillugu atuutilersitinnermut ilassutitut aningaasaliivigineqarnissamut qinnuteqaammik Aningaasaqarnermut Akileraartarnermullu Ataatsimiititaliakkat ingerlatsisoqarsinnaannginnera isumaliutinut ilaatinneqartaria-

qarpoq. Tamatuma saniatigut Naalakkersuisut tunuartussat suliassamik taamaattumik Naalakkersuisunngortussanut qimatsisariaqanngillat.

Immikkoortuni tamani sipaarniarnerup 2025-mi sapinngisamik piaarnerpaamik atuutilersinneqarnissaa, tamatuma pissutissaqalersippaa.

*Tamanna tunuliaqutaralugu 15 mio. kr.-nik immikkoortuni tamani sipaarniarnerup 2025-mi januaarip qaammataani ilassutitut aningaasaliivigineqarnissamik qinnuteqaatikkut atuutilersinneqarnissaa Aningaasaqarnermut Akileraartarnermullu Naalakkersuisup **inassutigaa**.*

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 12-p ataani allannguutissatut siunnersuutit nr. 140-mit 150-imut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

3.2 Oqaasertaliussanut allannguutissatut siunnersuut

Oqaasertaliussanut allannguutissatut siunnersuutit katillugit 14-inik Naalakkersuisut siunnersuuteqarput, taakku 151-imit 164-imut normoqarput. Taakku ilaat arlallit suliassaqarfinnik allannguinertut tunngapput, tamatumani oqaasertaliussat atuuttut nuunneqarlutik.

Manna sammisami aningaasanut inatsisissatut siunnersuummi oqaasertaliussanut allannguutissatut siunnersuutit saqqummiunneqarput. Arlallit naalakkersuisoqarfinni allannguutitut tunngapput, taakkunani oqaasertaliussaareersut nuunneqarlutik.

Oqaasertaliussat nutaat pingaarnertit uku ilagai:

Suliassaqarfik 10-89, nr. 11-mut

Oqaasertaliussat Nuummi kollegiat, immikkoortoq 2-mi nalinginnaasumik aningaasartuutitut ilaatitsinnginnermik tunngavissiisoq siunnersuutigineqarpoq. Suliaq missingersuutit pillugit inatsimmi § 2, imm. 3-mik tunngaveqarpoq:

”Inatsisartut akuersissuteqarnerisa kingorna imm. 2 malillugu naatsorsuinerimi aningaasartuutit ineqarnermut, inuussutissarsiornermut imaluunniit ataqtigiimmik aaqqissuussinertut suliniutitut aningaasaliinertut atatinneqarsinnaasut ilanngunneqassanngillat, sunniutissanik nalilersuineq malillugu ataatsimut isigalugu inuiaqtigiit aningaasaqarneranut iluanaarutaasut nalilerneqarpat.”

Tamanna Nuummi etape 2-mi kollegiani pisinnaavoq, KPMG tamatuminnga inuiaqtigiinni aningaasaqarnermut pitsaasumik nalilersuinikuuvoq. Taanna ilanngussaq 4-miippoq. Taamaa-

lilluni aningaasanut inatsisip atuunnerani missingersuutit inissisimaffiannit 180 mio. kr.-t missaat ilaassanngillat. Tamatumunnga allatut qinigassaq aningaasaliissutit taakku sipaarutini nassaarineqarnissaannut tunngasuussanerat oqaatigineqassaaq. Tamanna Naalakkersuisut naammaginaruutitinnigilaat, ingammik aningaasanut inatsisip pingajussaaneernissaa sioqqullugu piffissaliussap sivikitsuuneratigut.

Suliniut Aningaasaqarnermut Akileraartarnermullu Ataatsimiititaliamit akuerineqareerpoq.

Konto pingaarneq 20.01.02 Kommunitut immikkoortumi aningaasartuutit immikkut ittut

Kujallermi isumaginninnermut immikkoortup ilaata atorunnaarsinneqarneranut atasumik Naalakkersuisut 5 mio. kr.-t angullugit siumoortumik aningaasaliivigineqarnatik aningaasartuuteqarsinnaanerannik piginnaatitsisumik, oqaasertaliussanik nutaanik siunnersuuteqartoqarpoq. Piffissami aningaasanut inatsisip inaarsarneqarnerata nalaani Kujallermi isumaginninnermut immikkoortumi isumannaarniagassat qanoq annertutigerpiarnerisa killilimmik ilisimasaqarfigineqarnerannik oqaasertaliussat tunuliaqutaqarput, taamaammallu iliuuseqarsinnaanerup periarfissap qularnaarnissaa pisariaqartinneqarpoq.

Oqaasertaliussat sammisaaq 6-imi 0-imi aningaasaliinermik eqqartukkamut toqqaannartumik attuumassuteqarput.

Kantomut pingaarnermut 31.03.034 Meeqqanut akilersuutit meeravissartaarnerlu kiisalu meeqqanut inuusuttunullu illersuisoqartitsisarneq

Meeqqanut tapimut atatillugu ilinniarnermut tapimik akiliisitsisoqarsinnaanerannik ajornarunnaarsitsisumik nutaamik oqaasertaliinissaaq siunnersuutigineqarpoq. Eqqartuussivinni periutsimi atuuttumi aaqqissuussineq matumani pineqarpoq.

Kantomut pingaarnermut 34.12.03 Napparsimasunik angallassinertit pinasuartumillu angallassinertit il.il.

Kontomi pingaarnermi matumani siunertat iluanni, piffissami 2025-mit ukiut tallimat tikillugit sivilissusilimmik, isumagisassanik isumaginninnermut Air Greenlandimik sullissinissamik isumaqatigiissuteqarsinnaanerannik Naalakkersuisut piginnaatinneqarput. Piginnaatitsissut peqqinnissaqarfiup napparsimasunik angallassinermut timmisartunik minnernik attartorsinnaaneranut tunngatillugu immikkut naapertuuttut eqqarsaatigineqarpoq.

Allannguutissat siunnersuutinut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Oqaasertaliussanut allannguutissat siunnersuutit nr. 151-imit 164-imit **akuerineqassasut** ataatsimiititaliami amerlanerussuteqartunit Inuit Ataqaatigiinnit Siumumillu **inassutigineqarpoq**.

4. Aningaasaqarnermut Ataatsimiititaliap inassuteqaatai

Sammissaq 6-ip ataani allannguutissatut siunnersuutit nr. 79-imit 91-imut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

Sammissaq 7-p ataani allannguutissatut siunnersuutit nr. 92-imit 112-imut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

Sammissaq 8-p ataani allannguutissatut siunnersuutit nr. 113-imit 120-mut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

Sammissaq 9-p ataani allannguutissatut siunnersuutit nr. 121-mit 122-mut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

Sammissaq 10-p ataani allannguutissatut siunnersuutit nr. 123-mit 127-mut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

Sammissaq 11-p ataani allannguutissatut siunnersuutit nr. 128-mit 139-mut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

Sammissaq 12-p ataani allannguutissatut siunnersuutit nr. 140-mit 150-imut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

Oqaasertaliussanut allannguutissatut siunnersuutit nr. 151-imit 164-imut **akuerineqassasut** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

Allannguutissatut siunnersuutit aappassaaneerinninnermut pingajussaaneerinninnissamullu saq-qummiunneqartut Inatsisartunit taasisutigineqareerneranni inatsisissatut siunnersuut tamarmiusoq iluserilikkamisut iluseqartoq **akuerineqassasoq** ataatsimiititaliami amerlanerussuteqartunit Inuit Ataqtigiinnit Siumumillu **inassutigineqarpoq**.

Taama oqaaseqarluni aningaasanut inatsisissatut siunnersuut Aningaasaqarnermut Akileraar-
tarnermullu Ataatsimiititaliap Inatsisartunut pingajussaaniigassanngortippaa.

Peter Olsen
Siulittaasoq

Pele Broberg
Siulittaasup tullia

Mariane Paviasen Jensen

Kristian Jeremiassen

Kuno Fencker

Karl Tobiassen

Jens-Frederik Nielsen